



19. september 2012

Inatsisartut Suleriaasianni § 37 naapertorlugu Naalakkersuisunut apeqquq imaattoq matumuuna saqqummiuppara:

Naalakkersuisunut apeqquq:

1. Angallavinni tunumut tunumiillu aamma Tasiilap Ittoqqortoormiullu akornanni timmisartuussinerit kiffartuussinermut isumaqatigiissutip iluaniittut, qanormita akeqassagalarpat angallavinni timmisartuussinerit iluanaarniutigalugu ingerlanneqartuuppata?

2. Ukiumut nunat allamiut qassit ittoqqortoormiunukarlutillu Ittoqqortoormiuniit aallartarpat aamma inummut timmisartukut angallassamut ataatsimut qanoq angitigisumik tapiisoqartarpa angalaniartunut Ittoqqortoormiuniik Ittoqqortoormiunut? Apeqqutini pineqarput maannakkut atuuttut kiffartuussinissamut isumaqatigiissutit.

3. Suna pissutaava angallannerup iluani kiffartuussinermut isumaqatigiissutit tusarniaassutigineqarsimannginnerannut aamma 2013-miit 2015-mut kiffartuussinissamut isumaqatigiissutit isumaqatigiissutigineqarnissaasa tungaanut qanoq suleriaaseqartoqarpa?

4. Air Icelandip Air Greenlandillu Kulusummut timmisartuussineri procentinngorlugu qanoq akuttoqatigiiaartigisimappat?

5. Ulloq 1. januar 2013-p kingorna Kulusuup Islandillu akornanni ukioq naallugu timmisartuussineq qanoq ingerlanneqassamaarpa ?

(Inatsisartunut ilaasortaq Justus Hansen, Demokraatit)

Tunggavilersuut:

Maannakkorpiaq angallannerup iluani kiffartuussinissamut isumaqatigiissutit Aningaasaqarnermut Ataatsimiititamiit ataatsimiinnermi ulloq 31. august 2012 akuerineqartut oqalligisineqangaatsiarput.

Ilisimaneqarpoq pisariaqartoq kiffartuussinermut isumaqatigiissuteqartoqartarnissaa, ilaasunik angallassineq nunap ilaani nunaqavissunut akisuallaalissammat. Soqutiginartipparali paasissallugu, ilaasunik angallassineq qanoq akisunerulertigissanersoq kiffartuussinermut isumaqatigiissuteqartoqartanngitsuugaluarpat.

Apeqquteqarpunga arlalinnik isornartorsiorneqartarmat kiffartuussinissamut isumaqatigiissutit



DEMOKRAATIT
DEMOKRATERNE

tusarniaassutigineqarsimanginneri aammalu pisut sukkasuumik ingerlasimmamata.

Apeqqutit akeqquneqarput ullut suliffiit naliginnaasut qulit iluanni.